

Түркістан Облысы Түлкібас Ауданы Жаскешу Ауылы
«Зарина» бөбекжай бақшасы ЖШС

"Балапан" ортаңғы тобы



Тәрбиеші. Халикова.А

Бекітемін:-----
«Зарина» бөбекжай бақшасы ЖПИС
Директоры: Ж.Р.Джапарбекова



1 Мамыр - бірлік, ынтымақ күні

«Береке-бірлікте, ырыс-ынтымақта»

Мақсаты: Балалардың **бірлік**, ынтымақтастық туралы түсініктерін кеңейтіп, көп ұлтты халқымыздың тыныштығы мен бірлігін нығайтуға ат салысатын азамат болуға тәрбиелеу.

Көрнекіліктер: Ұрандар, қима көгершіндер, шарлар, гүлдер, ұлттық костюмдер. (Өн ұран орындалады.)

Тәрбиеші:

Бірлік пен ынтымағы халықтың -
Көгімізде жарасқан жарық күн!

Ырыс, дәулет бақыты үшін халықтың,
Жайнай берсін, жайнай берсін алтын күн!

- дей келе Қазақстан халқының бірлігіне арналған «Береке-**бірлікте**, ырыс-ынтымақта» атты мерекемізді тамашалауға шақырамыз.

Балалар әр ұлттың киімдерін киіп, шеруге шығады. (Монтаж)

Руфина

Жан біткендей жас тауға,

Шуақ ойнап арайлы.

Күн күлімдеп аспанда,

Мамыр әні тарайды.

Жайдары жаз түрге еніп,

Жадыратты жанымды.

Жер-дүние тербеліп,

Дала, қала құлпырды.

Адина

Болсын жер мен су да ортақ.

Болсын біздің ту да ортақ.

Ақпыз, қара, сарымыз,

Ағайынбыз бәріміз.

Пердебай Мүслима

Сары, ақпыз, қарамыз,

Бәрімізде баламыз.

Біз Отанда тұрамыз,

Біз мектепке барамыз.

Айзере

Алтай, Кавказ ұласып,

Бауырайы кең жатыр.

Бақытты әні асқақтап,

Құлаққа даусы кеп жатыр.

Хантөре

Қырғыз, қазақ, өзбектер,
Моңғол, ұйғыр, дүнгендер,
Армян, тәжік, грузин,
Орыс пенен украин,
Терезесі тең жатыр.

Хормен:

Отан ортақ,
Жер ортақ,
Еңбекпен қостық тағдырды.

**Айша**

Алтын бесік-ағайын, жұрт туғаным,
Дос байыса қыза түсер думаның.
Барлық ұлттың өкілдері жарасып,
Асырайық іс-жүзінде Тіл заңын.

(Орыс биі)**Тәрбиеші:**

Отаным ордасы ғой игіліктің,
Көңіліне күн орнатқан күлкі жұрттың.
Шаңырағы кң биіктен Отанымның,
Баянды бағы өрлеген әрбір ұлттың!
-демекші біздің Республикамызда әр ұлттың өкілдері тұрады.



Тәрбиеші:

Ел тарихы, жер тарихы өзіміз,
Болашақтың қасиетті көзіміз.

Барлық ұлтпен бауыласып жетерміз,
Ақ-қараны тіліп тұрса сөзіміз.

- дегендей ХХІ ғасырда Қазақстанда бейбітшілік, тыныштық болып, еліміздің
егемендігі ұзағынан болсын деп тілейміз.



(Ән «Атамекен»)

Тәрбиеші:

Міне, осындай кең байтақ Республикамыздың егінді даласы, күмісін шашқан көлдері, кенге байтақ өңірі, малға толы өрісі, Қазақстан Республикасының болашақ ұрпағы, келешек азаматтары, сендерге өсиет болып қалады.

Елбасының «Қазақстан-2030» бағдарламасында:

«Қазақстан келешекте дамыған мемлекеттердің біріне айналуы үшін мұнда тұратын барлық халықтар өзара достығы мен бірлігін нығайтып, сапалы білім, саналы тәрбие алуға құлшына алу керек» делінген.



Тәрбиеші:

Мамыр қандай, шіркін-ай, **мамыр** қандай!

Айнала жасыл кілем жамылған жай.

Алатауым басына ақ шәлі орап,

Мойнына гүлден алқа тағылғандай.

Мамыр қандай, шіркін-ай құлпырады.

Күй толқын көңіліне жыр тұнады.

Жыл еркесі гүл **мамыр**, сұлу **мамыр**,

Секілді адамзаттың ынтымағы.

Тәрбиеші:

Егемен ел болдық, қаһарман ерлікпен.

Бағымыз жанады, бауырмал елдіктен.

Қазақтың мерейі жұлдыздай жоғары,

Мәңгілік жасаймыз **бірлік**пен, ерлікпен.

Халқымыздың қанға сіңген осы берік бірлігі, ұйымшылдығы, басқа халықтармен одақтасып, достаса білуі жеңістен жеңіске жеткізеді.

Тәрбиеші:

Бірлік - халық салты. «Халқымыздың **бірлік** салты отбасынан басталып, бүкіл елдің, барлық адам баласының бірлігімен ұласады».

Бейбітшілік құсы, ақ көгершін,

Биік ұшып самғасын.

Тілегімізді жерге жайсын,

Қанаттары талмасын.

Ән.

Қағаздан жасалған ақ көгершіндерді биікке шарға байлап ұшыру. Барлық қатысушылар бірге шығып, көрермендермен қоштасады.

Жүргізуші:

Осымен мерекелік кешімізді аяқтаймыз. Көріп тамашалағандарыңызға көп рахмет.